

# Te Pao

## *Nā Justin Puna i tito*

### **Tū ana te kārearea i te keokeonga o**

Tarapōnui-a-Kawhea

Ka titiro iho ia ki Tītī-a-Okura ki te wāhi ko Tauwhare Papauma e

I titia ai e tō Tūpai tokotoko i mau ai te mauri o te manu

*Haruru ana te maunga rā*

### **Rere ana te kārearea,**

ka titiro whakataui iho ia ki nga awa

Waikare, Waitaha, Anaura e ahu mai nei i te mātāpuna kai *Maungaharuru e*

Putā atu ana te wai o Waikare i Te Putā a Hinetonga ki Ōmoko

*Pātōtō ki te ata, pātōtō ki te pō*

Ka rere whakatetonga, kite iho ana i a Waiohingānga

Tahuri atu rā ki te rāwhiti ki Te Ngarue, *he tipua, he taniwha*

### **Tahuri mai ana ki nga roto**

Te Pōhue, Opouahi he wāhi tapu, he roto tuna

Orākai, Waikōpiro ko nga kanohi o Tūtira e

Tūtira *he pātaka kai, oranga ngākau, oranga tangata*

### **Kotahi atu ia ki nga tai o**

Moeangiāngi, Arapawanui, Waipātiki, Punakērua, Tangoio,

Tangitū *he tohorā he kaitiaki e*

Kite iho i nga toka Ōmoko Urukarakā, Whakapao, Ngaio-iti, Whakatapatu, Kōtuku, Hinepare,

Makaro, Te Ahuaruhe, Pānia e

### **Tau atu ana ia ki**

Punanga te Wao, te whakairinga o te kupu, te whakapiringa o te tangata o

*Marangatūhetaua, Kurumōkihi, Te Ruruku, Ngai Tauira e*

### **Hoki atu ana te kārearea**

e hia kē nga pā kua kitea

*Ko tō rātau pā kai nga rekereke*

*Maungaharuru ki Tangitū, Keteketerau ki Waikare*

*Ka kati a Maungaharuru, ka tuwhera a Tangitū*

*Ka kati a Tangitū, ka tuwhera a Maungaharuru e*